

向情斷其有假道賣法求利取人同冒賢良欺謾愚駭而高張聲譽速俟招呼妄設軌模空為法則者置之言外吾所不論也竊見男女同壇或師弟不相對齋或師弟各自遊行或結齋之後始來告赴或不投辭並或抱素盡空或師借經法及假人經法或師為出法信或數師同壇或不書表刺不分契券或法次交互不期良日或虛注保證及廣書名德如此之流情所不忍復有無經法恃其豪富勢力及名望高遠耻人不歸強相招引為他傳授亦有曾受一法兩法或道德十戒乃唱言自云凡諸道法我並師受或薄解符章禁祝小技出入天庭或富貴人驅使或百姓信向豐衣足食少有僮僕使人傳唱招致弟子為傳經法或恃以年高德重俄然戴冠為人師範比之流例舉目皆是豈思冥咎罪殃及乎己身分甘冥苦其奈七祖九玄所生父母何世有殺父弑君反天違地自取夷滅者亦同怪乎哉既一壇之內參受不同宜就專法告齋立限取其良日其中小法齋內傳授昔

嘗遊江淮吳蜀而師資付度甚自輕率至於齋靜殊不盡心雅專醮祭夜中施設近來此風少行京洛良由供奉道士多此中人持茲鄙俗施於帝里又云靖忌道父母忌不入靖燒香愚人景慕用為奇訣其道父母靖忌上禁祭酒奏章設醮元不及三洞上法至如戊辰己巳戊戌己亥隨日流行而十齋八節五通太素朝第山等天之定日求仙要領若與之會得不朝真者乎此蓋濟世小道非修身上法汝之弟子宜識之焉其或十齋八節既是眾聖按行條記功過亦曰良辰雖經不指言例之為善傳道所用必諧聖旨復有上帝殺伐日云不可舉百事此祇合藥營建諸所禁防至於受道固應無礙而始學初門幸能避之佳也三洞上法久悟法人自不拘也按金明道科但法具周辦即登齋告盟未使擇日賢者詳之

洞玄靈寶道士受三洞經誡法籙擇日曆

傳授三洞經戒法籙略說

前關

肆三

張萬福伏尋經旨人從虛無自然中來結形抱識法天象地備舍萬類神明保衛貴不可稱尊亦巨匹而染習塵勞流浪生死不能自悟天尊大慈善勸方便說經演戒開度天人普使男女同登正道然氣有清濁人有賢愚故教有三乘形分萬等法門漸頓蓋有由矣略說傳授指要如左

戒目

卍

三歸戒此三戒者初起心入道受令歸依三寶也

五戒此五戒者令除五欲修五德持五戒出五濁也

八戒此八戒者持八事以契入神上二戒錄生所受也

無上十戒此十戒者在俗男女所無上十戒受斷十惡行十善也

初真戒此初真戒者新出家所受謂始脫俗服入道也

七十二戒此七十二戒者正一弟子所受即仙靈錄是也

百八十戒重律此百八十戒者正一道士所受老君授于吉者也

天尊十戒十四持身品此十戒者正一道士所受老君授于吉者也

太清陰陽戒此五戒者正一道士所受老君授于吉者也

想爾二十七戒此二十七戒者正一道士所受老君授于吉者也

想爾二十七戒此二十七戒者正一道士所受老君授于吉者也

洞神三洞要言五戒十三戒七百二十戒

門此三皇弟子所受

百二十九戒此昇玄內教弟子所受

閉塞六情戒此靈寶初盟所受即破自然卷也

智慧上品大戒此靈寶中盟與入快經同所受

三元百八十戒此靈寶大盟所受

智慧觀身三百大戒此上清道土所受

元始天尊以開皇元年七月一日午時於西

那玉國鬱察山浮羅之嶽長桑林中授太上

道君智慧上品大戒法天文尊告太上道君

曰今當普宣通法音開悟群生為諸男女解

災却患請福度命拔諸苦根使生者見道身

脫八難死者歡樂飲食天堂早生人中轉輪

聖王修齋求道皆當一心請奉十戒諦受勿

忘專精默念洞思自然勿得雜想撓亂形神

天尊又曰夫欲安身治國使門戶清貴天神

祐護地祇敬愛當修善功勤心齋戒廣施法

門先人後身有惠於萬物功善於一切功滿

三千白日昇天修善有餘天降雲車弘道無

已自致不死斯本行之上戒可不專奉之手

又智慧觀身戒太微天帝曰我始學之時唯

知請經不知尋戒乃歷劫生死不奉觀身大

戒當何由得仙乎故道學當以戒律為先道

家之宗尊焉法應習誦上品大聖皆秘而不

書若有法而無戒猶欲涉海而無舟楫猶有

口而無舌何緣度此身耶先須誦習不容懈

惰萬福曰凡初入法門皆須持戒戒者防非

止惡進善登仙衆行之門以之為鍵夫六情

染著五欲沈迷內濁亂心外昏穢境馳逐名

利耽滯色聲動入惡源永乖賢域自非持戒

莫之能返故經云持戒制六情念道遺所欲

又云學道不修齋戒徒勞山林又云皆從齋

戒起累功結宿緣飛行凌太虛提携高上人

凡受戒皆須詣師伏受抄寫誦習若兼經受

者則不須也

正一法目

一將軍錄 十將軍錄此二件童下所受

仙官七十五將軍錄陽主

靈官七十五將軍錄陰主女此二錄男女合名仙靈百五十將

軍錄

九宮扞厄 六害神符 田部禁炁

都章卑 九天破殄 大小斬邪

天靈赤官 元命赤錄 大小召錄

九州社令 九天兵符 九天真符

翻天倒地 青甲 赤甲

赤丙 無終 八牒

五牒 八宿 七星

紫宮 紫臺 三將軍此二十四神三十六錄舉其大略餘一百

正一法文科戒品曰總統天地一切神鬼誅

伏邪魔斬滅妖精徵靈召氣制御山川滌蕩

氛穢章奏傳驛通達神仙莫先乎正一矣

萬福曰凡人未受正氣皆被六天鬼神妖精

肥羶一切邪魔之所中害不能分解以自免

脫煩惱在身痛苦疾病妨於修道天人年算

太上慈悲出法施化制伏強梁建神立號布

炁徵靈消滅邪魔摧攝精魁使清濁殊貫人

鬼區分正已除邪一以統萬而邪由正理萬

自一宗故總錄群靈同歸其道也其天丁甲

卒仙官吏兵蓋道一分靈凝神布炁外光妙

用內發精明虛映既彰真官斯應可以神會
難用慮思凡諸經所明莫得詳究矣
道德經目

道德上下二卷 河上公注上下二卷
想爾注上下二卷 大存圖一卷

傳儀一卷 此太玄經所明 朝儀一卷

齋儀一卷 應受持修行

老君西昇一卷 妙真上下二卷

內解二卷 節解二卷

高上傳一卷 無上真人傳一卷

紫虛錄一卷 此左仙公及金明所說傳授修行也

太極左仙公道德經序訣云夫五千文宣道
德之源大無不包細無不入天人之自然經
也老君以上皇元年正月十二日丙午太歲

丁卯下為周師到無極元年太歲癸丑五月
壬午去周以其年十二月二十五日度關以

二十八日授尹真人太上道德經其經十方
諸天人神鬼神所宗奉也道士鄭思遠曰
余師葛仙公受大極真人道德經教以口訣
云此經道之祖宗也誦誅萬適夷心注玄者

皆以升仙太上玉經隱注曰常能讀五千文
萬遍太上雲龍下迎萬遍畢未去者一月三
讀之耳須雲駕至便升仙也隱注又曰居家
學道當受五千文月朔半晦本日八節日
日中夜半時各一遍讀之耳志心奉行經上

妙事託形太陰之精天帝雲車迎人身神不
經泰山三官地獄考罰之中也上生天堂天

帝之前下生人間侯王之家相好具足亦轉
女為男結緣上清此經博通群品無大無小

隨志所求無有拘礙送死養生整無不宜也

亦能安國寧人制伏邊夷莫不順道者也斯

經妙矣弗有尚焉

萬福曰夫五千文蓋三洞之精華一乘之與
旨理身理國遣有歸無言象莫論尋難難極

而百王楷式千劫不刊之文也故太極左右
宮得道諸仙及太玄都山聖真常研味道德

誦誅幽玄矣凡夫得之清齋十日誦之萬遍
雲龍下迎仙童侍衛萬劫長存之術耳老君

授尹喜行之道成從老君化胡周遊天下出
有入無變見自在為無上真人文始先生亦

精微具載經中卒難詳備矣

為先師矣

三皇法目

金剛童子錄 普下版 三一真諱

三將軍圖 九皇圖 三皇內文

三皇大字

洞神經十四卷 陶先生所傳十三卷

靈寶經云神寶君者則洞神之尊神至上皇
元年出書時號三皇洞神太清太極宮經云

三皇者則三洞之尊神大有之祖炁天皇主
炁地皇主神人皇主生三合成德萬物化焉

洞神三皇之經傳訓下世領化佐國扶助兆
人故天子得之鳳凰下降祥瑞出見役使百

神無所不辟若入名山遊行八極天下鬼神
無敢當之上士昇仙

萬福曰夫得道諸仙真聖雖超出凡界亦有
攝化職統主諸天地洞府山川召鬼役靈呼

雲制兩以活萬姓也此文蓋太上自然之章
神真之信神寶君所說化乎九仙三皇各受

一篇而天下大化因號之焉文字究與理事
精微具載經中卒難詳備矣

精微具載經中卒難詳備矣

靈寶法目

自然券 中盟經四十七卷

大盟真文 八景內音

真文赤書經云元始洞玄靈寶赤書玉篇真文生於元始之先空洞之中天地未根日月未光幽冥冥無祖無宗靈文曉曖乍存乍亡二儀待之以分太陽待之以明靈圖革運玄象推遷乘機應會於是存焉天地得之而分判三景得之而發光靈文鬱秀洞映上清發乎始青之天而色無定方支勢曲折不可尋詳元始鍊之於洞陽之館治之於流火之庭鮮其正文瑩發光芒洞陽悉赤故號赤書靈圖既煥萬帝朝其飛空步虛旋行上宮燒香散花口誦靈章是時天啓十二玄瑞地發二十四應上慶九天之靈輿讚三天之寶明神風既鼓皇道咸暢元始登命太真按筆玉妃拂筵鑄金為簡刻書玉篇五老掌錄秘於九天靈都之官玉女典香太華執巾玉童侍衛玉陸朝軒九天上書非鬼神所聞天寶之以致浮地秘之以致安五帝掌之以得鎮三

光乘之以高明上聖奉之以致真五嶽從之以得靈天子得之以致理國祚享之以太平寔靈文之妙德迺天地之玄根威靈恢廓普加無窮蕩蕩大化為神明之宗其量莫測魏巍乎太空又云元始五老赤書玉篇出於空洞自然之文於未有之中生天立地開化神明上謂之靈施鎮五嶽安國長存下謂之寶靈寶玄妙為萬物之尊東方真文曰生神寶真洞玄章南曰南雲通天寶靈林中曰寶劫洞清九天靈書西曰金真寶明洞微篇北曰元神生真實明文五老玉篇皆空洞自然之書秘於九天靈都紫微宮七寶玄臺侍衛五帝神官依玄科四萬劫一出靈寶真文以赤明開玄之始號曰空洞赤書景皇真文天地分判天號之靈地號之寶故曰靈寶二十四生經云上皇元年九月二日後聖李君出遊西河值元始天王李君稽首曰昔蒙訓授天書玉字二十四圖雖得其文未究妙旨今遇天尊願垂成就於是天王口吐洞玄內觀玉符以授於君使清齋十日東向服符形神備

見自當洞達諸疑頓了李君稽首奉承教旨具依天儀長齋十日東向服符八景神並見身中全書玉字二十四圖空中而明文彩光鮮洞徹無窮亦明元年正月上寅一日午時元始天尊於赤明天中南霍之丘丹靈洞宮數羅五色黃金為壇白銀薦地七寶告靈傳度洞玄金書紫字玉文丹章自然靈圖二十四真三部景神天仙飛仙神仙地仙兵馬乘騎以受太上無極道君依威儀玄格明真科文度人九萬九千九百九十九人宿有金名列字諸天應仙之人大運之終當收文還上大羅七寶玄臺紫微宮中玉字上經曰天真人曰天書玉字凝飛玄之炁以成靈文合八會以成音和五合而成章大運啓期琳琅自生神風虛奏韶響洞鳴煥乎諸天之上朗耀太幽之中與龍漢而俱化披赤明於延康二儀待之以判三景待之以分上聖乘之以神五嶽寶之以靈一切得之以生國祚享之以安落落大範魏魏高尊奉之者長存寶之者真降修之者神仙度死骸於長夜鍊生魂

於朱宮妙化之文出於自然混之不濁澄之不清毀之不滅滅而復生高秀太虛萬帝之宗威靈恢廓難可名焉天真皇人曰度授諸天內音自然玉字當依明具典格以朱書白素上資七寶鎮靈金續効心拜黃縉章表告

諸天度文露文中壇三日三宿不遇風雨文無飛揚合真以傳天真皇人曰修飛仙之道及滅度之法尸解隱化輪轉生死隨運道遠無拘太陰當朱書諸天玉字無量內音白素佩身隨文服御心不受穢五內清和六府恬

寂空碧無為八年洞達諸天生見十方神真交降體生玉光馳騁龍駕白日登晨玉章上道四萬劫一傳隨節服御百日諸天記錄地官削簡八年神真自降體生王光洞達幽虛坐觀自然死尸更生反胎還人轉輪不滅生死得仙輕洩漏慢身負河源風刀萬劫終不得仙明真舊格宜秘之焉

萬福曰夫靈寶真文生於空洞之中元始之先天地未根日月未光幽冥冥無祖無宗元始鍊之於洞陽之館治之於流火之庭鮮

其正文瑩發光芒於是太真按筆玉妃拂筵金童散花瓊女揚烟五帝侍衛三界朝軒天寶之以致浮地秘之以致安五嶽享之而安鎮一人則之以太平保制劫運吐納陰陽教化一切儀範萬天諸得道大聖眾至真諸君

丈人莫不奉行靈寶誦誅其篇與天地而同沒共日月以俱懸大周天地近存我身勤修之不死暫行之長年為天人之舟楫寔幽明之福田其理宛奧莫得而言傳之浩劫惡宜知焉

靈寶五符

太玄經曰天地萬神皆六甲之部使也老君行之長生度世坐致行廚隱形易體坐在立亡出不擇日行不擇時蓋監萬神辟除疾病踰江越海不避風波從天入淵虛無自然還

入崑崙不死之道上升太清登紫微萬福曰夫陰陽者道之本寒暑生殺動靜之炁也而清浮圓動明陽也濁沈方靜暗陰也陽不能獨生待陰而成陰不能自成須陽以生一消一息有虛有盈二炁和合萬象乃形

男東女西金白水青水土止天動地寧上下交泰變化百靈乾坤分判迴轉千精微妙莫測陰陽遂呈甲乙曰千子丑為支以相配合數成六焉千者日也陽之精稱奇一三五七九數也支者辰也陰之靈稱偶二四六八

十數也陰陽翕闔萬二千物具而有神焉主之者六甲也天不用六甲三景失倫地不用六甲五嶽崩摧天子不用六甲百官乖緒學道不用六甲遠其妙理六甲者一切之綱紀也行得其道萬邪皆伏鬼神為使故道士佩

之坐在立亡神仙不死逆知未來也開元經云靈寶五符道之隱文結飛玄之炁自然成章字方一丈八角垂芒生於元始之先空洞之中保制劫運使天長存梵炁彌羅萬範開張十方已得道一切諸神仙莫不佩奉而得長存變化自在驅馭百神并無形與道合真矣

萬福曰靈寶五符生天生地分化五行與炁混合吐納百神乘運隱顯劫劫長存輪轉五劫布氣十天軒轅受之於天真皇人傳之於

子孫夏禹得之於鐘山祕之於洞反吳王泄之國祚不隆道士佩之道不離身神將炁化和理於心神道炁一變化自然壽齊天地鍊景入真沒身不殆永劫獨存功齊太虛德冥自然輕泄毀誹罪延無窮保慎敬愛福常在焉修行法則具之經文

東西禁文

萬福曰其符離合三皇文白羊公介君所受制虎豹蟲狼山川百精之鬼不敢為害故馭虎撰蛇即其事也道士祕之焉

五嶽真形圖

五嶽真形圖序云漢孝武帝好長生之道常祈祀靈嶽以求神仙元封元年正月甲子登嵩高山起道宮帝齋七日祠訖乃還到四月戊辰夜闕居東方朔董仲君在側焉忽有一女人著青衣非常麗也帝問何女女曰我墟宮玉女為王母使從崑山來語帝聞子欲輕四海尋道求生降尊王之位而屢禱山嶽勤哉有心仙道可教者百日清齋不交人事到七月七日西王母當暫來也武帝下席跪諾

言訖女隱忽然失所帝於是登尋真之臺齋誠存道其四方之事權委於冢宰焉到七月七日乃肅除宮掖設座大殿以紫羅薦地燭百和香張雲錦帷燃九光微燈設蒲菊窠為客主之饌帝乃盛服立於階下內外謐寂以俟仙官到夜二唱後忽見天西南如白雲起

鬱鬱直來逕趨宮庭須臾轉近聞雲中有簫鼓之聲人馬之響復半食頃王母至也群仙數千光耀庭宇別有五十天仙皆身長一丈王母上殿東向坐年可三十許脩短得中雲顏絕世真靈人也下車登牀武帝拜跪問寒溫畢立如也因呼帝坐王母自設廚非常豐珍非地所有甘氣絕殊帝不能名也帝見王母巾器中有一小卷書盛以紫錦囊帝請閱此書王母示之五嶽真形圖也此乃三天太上所出文祕禁重豈汝穢質所宜佩乎昔上皇清虛元年三天太上道君下觀六合瞻河海短長察丘山高卑乃因山源之規矩觀河嶽之盤曲陵回阜轉山高隴長周旋委蛇形似書字是故因象制名定名實之號畫形於

玄臺而出為靈真之信諸仙佩之皆如傳章道士執之經行山川百神群靈尊奉親迎欣子有心今以相與當深奉慎如事君父泄示凡人必致禍考聽四十年得傳一人四十年無其人聽八十年頓二人耳授非其人是為泄天道可傳而不授是為閉天實不計限而妄授是為輕天老受而不敬是為慢天藻泄閉輕慢四者延禍之車也泄則身死道路受土形濡骸裂閉則盲聾於來生命凋枉於卒歿輕則禍鍾於父母詣玄都而考罰慢則暴終而墮惡或惡疾於後世復有愈此罪者宗斷而族沒同道謂之天親同心謂之地愛傳授當相親愛共均榮辱營心真一珍惜精液共養和氣氣全神歸必齊靈會如其不爾天降汝厲此皆道之科禁不可不慎汝欲有所授董仲君者以其人也即命傳畢更取一圖王母手付帝帝再拜跪受王母曰三年更來告汝道也帝既見王母乃信天下有神仙之事欲有去世計數矣而淫色恣性殺伐不休百姓歎於勞役死者怨於無辜不從聖母之

言遂不復來也所與帝經圖之屬盛以黃金之甌封以白玉之函安著栢梁臺上後到太初元年天火焚臺遂爾燒失王母當以武帝不從訓誨而災之耳但帝先承王母言以圖授董仲君仲君騰寫賴此得存也魯女生長

樂人少好道絕穀八十餘年色如桃李一日能行三百里世傳見之二百餘年後採藥嵩山忽見三天太上侍官以五嶽真形圖與之并告其施用節度女生道成一旦入華山後五十年先識者逢女生於華山廟前乘白鹿

從玉女三十人并令謝其鄉里親族故人甚分明今得此圖見於世間者起由董仲君及女生二人仲君臨去傳樂巴女生傳封君達葛洪曰昔白鄭君五嶽真形吳越之人無有得傳不審先生有不鄭君曰吾似有之傳授

禁重不可妄泄卿極有心是故相告且勿宣之吾先人受此書於青牛先生自吾受圖不傳一人當以此文與卿今施用節度皆出於鄭君也青牛先生言家有五嶽真形一嶽各遣五神來衛護圖書所居山川近者山澤神

又常遣侍官防身營家凶逆欲見傷害皆反其殃辟除五兵五瘟可帶履鋒刃帶此文乃執持以履山林者百山地源靈官主司皆出境拜迎尊貴國信鬼神猶執卑降之禮何凡人而可慢慥哉

萬福曰夫五嶽真形圖上聖高真神仙所實道士佩之遊行山澤千山百川之神皆出迎之家有此圖仙靈侍衛萬屬潛伏仕官高遷財產豐積子孫昌盛門戶興隆修行佩奉自有法矣

三皇內文

三皇經曰三皇自然之文皆以金玉為用天皇所受玄玉為簡青玉為文地皇所受黃玉為簡白玉為文人皇所受赤玉為簡黃玉為文綴以金鈎聯以金鎖擊以玉按覆以珠巾芬以五香持以十華玉童玉女執拂左右真官仙職司承去來辟邪獅子麒麟鳳凰青龍白虎玄武朱雀靈禽聖獸無量伎樂六甲六丁三五僚屬防護宿衛奉茲文矣
萬福曰其三皇文即洞神經亦曰洞仙三皇

受之召制天地萬靈百精之神道士佩之化景飛空出入自然呼雲降雨役使鬼神所願立尅益壽延年生死獲慶享福無窮矣
傳授三洞經戒法錄略說